

白光電球奇術

著者自序

自電子學發明。而全世界之科學哲學。完全一變其面目。吾人幼時研究物理學化學以至生物學。無不知天下凡有物質者。其體積莫不從分子組織而成。而分子又爲原子所聚積。故物之至小者。要推原子。原子爲至小之物。不能分割。不可分離。此則科學家一致之學說也。然以哲學心靈學衡之。則又不類。似天下凡物。無論爲生物。爲非生物。皆出於一源。此響而彼應。若有一種感應者然。苟非同出一源。而竟如科學家原子之說。則其理甚糾紛而難通。窮搜冥索。晝夜攻求。卒以資性愚闇。未能條達。五載而還。始有眉目。而電子學說。忽然大明。而後知萬物同出一源之說。信而有徵。在昔科學家原

子云云。尙未得其堂奧。自此而後。凡哲學。科學。宗教學。心靈學。以至心理學。醫學。無一不可以電學相貫通。有如古代希臘神話中。所稱之百寶鑰。無一山不能開。無一海不能穿。上天下地。得心應手。誠萬能哉。余本研究其理。求所以相通者。今既得此。如獲至寶。以其原理。供諸實驗。凡夙昔所日夜研討而不能解者。今則無不可通。可以驗人品性。可以測人智慧。可以療人疾病。可以決人疑難。凡心之所至。意之所思。得此無不可實行。蓋芸芸大地。本一電氣世界。由電子而成原子。而分子。而萬物。其初同一體也。以電召電。以電感電。正如影隨形。如響斯應。升天入地。唯吾所爲。而後又知宗教家敘述上古時先知種種神奇形蹟。皆非虛語。不過愚闇者不之察。遂歸諸上帝之功耳。比又聞東方聖人有言曰。三界唯心。萬物唯法。唯心之說。吾西土已早有

之。而所謂法者。恐亦不外乎此。不過東西異其名乎。不然者。何以電子具如此。不可思議。不可稱說之萬能。可唯意以所欲哉。哲學科學。本同一源。後世迷其途。致背道而馳。今而後可持此以融會貫通。將以各種學術。悉歸納於電學之一途。正如吾方宗教家所謂之上帝。東方聖人所謂之心與法。至其效力之偉大。法術之靈通。靡不彰著。閱者苟玩索而有得也。則無事不可爲矣。又本書之成。吾友威斯篤實與襄校之役。而門弟子羅密赫兒及波士敦亦曾助吾歲事。用弁書首。以誌謝忱。

一九一一年八月梯彌敦維爾斯

白光電球奇術 著者自序

序二

余研究數理哲學者也。對於純粹研究哲學。拋棄科學者。頗反對之。如法之柏格森。純以哲學爲哲學。竊不敢苟同。蓋哲學之基本。卽爲科學。無科學而談哲學。實爲無源之水。無根之木。如之何能久。况自電學昌明。昔之斷斷分辯哲學與科學者。至是已不復成問題。蓋已冶二者於一爐。知兩者同爲一源。無所用其爭辯也。電之爲用大矣。出神入化。變幻莫測。凡人目所不能見。人體所不能觸者。一用電術。無不解之。而宗教家所傳之種種神靈奇蹟。爲世人所驚歎者。至是亦無不豁然貫通。且將視爲不足驚奇矣。歐戰之前三年。卽余入獄之年。有比人梯爾敦維爾斯者。發明白光電球術。並著說明書。

兩卷不蹉而走。未一年。遂譯者已十餘國。吾大不列顛帝國。譯之者。至有五人之衆。同時發行。余受而讀之。雖其中有已爲哲學或科學中所曾有者。且已屢用變態心理學以試驗有效者。未必均出維爾斯一人之手。然大部分則確爲維爾斯發明者也。觀其所述功效。固詳悉靡遺。而其原理原則。亦與哲學科學不悖。治兩者而一之。而成此偉大之功蹟。實開學術界一新紀元。斯誠二十世紀兩大發明之一。足與愛恩斯坦之相對論。並垂不朽者也。余嘗謂學科愈分愈精。如心理學。前固附屬於哲學之內。現則成一獨立之科學矣。而心理學又分爲個人心理學。變態心理學。兒童心理學。犯罪心理學。革命心理學。社會心理學。凡昔之同冶一爐者。今則無不分之又分。然其應用。則純爲歸納的形勢。與前適相反。凡昔之各各獨立。不相爲謀者。今則已

併而一之。卽如電學。其功用於自然科學者。固規一新世界。而應用於哲學。心理學。醫學。生物學。以及一切偏屬於精神方面者。亦無不同其功能。由分而合。由零而整。可謂開天地不傳之祕。奪上帝造化之功。而其根基。又處處不背於科學。非若烏託邦理想國之浮而不實。且信而有徵。法曹用之以審問罪案也。已不知凡幾。其功效實可驚詫。余生平著書。不喜求人作敘。而自身亦不願爲人作敘。若此書則非可以尋常論也。威斯洛辛書局主人杜威爾斯譯刊此書。已十七版矣。聞余出獄。來索弁言。並求余一判是書之價值。用書數語。以誌欽仰。世界學術。月異日新。自電子發明而後。除與他星球交通。尙待研究外。實已無一事不可爲。十年而後。安知不再藉是以進一步。與他星球來往者。電學之功。不可沒也。今聞維爾斯尙孜孜不倦。謀再光大而

發揮之。來日正長。不容限量。敬祝維爾斯先生康健無恙。
一九一八年三月赫吉士羅素敘於利物浦

序三

世界文明。日進月盛。自電子論出。而學術界面目一變。自相對論出。而學術界面目又一變。昔之驚爲奇巧神妙者。至是已視若尋常。上可以升天。下可以入地。佛家有所謂不可思議者。其殆是乎。民國十年冬。鄙人因事赴滬。舊學友魏權予謁鄙人於逆旅。出英譯本白光電球學術一書。謂將迻譯。並謂譯成後。將倩精於法文者。以法文原書校勘一過。免有錯誤。以示鄭重。又索鄙人一言。當時笑而諾之。此尙二年前事也。歲月如馳。匆匆兩載。魏生潛心迻譯。研究學術。鄙人亦以政事人事之蝟集。由滬而京。而西渡。無片晷之暇。且亦絕少音問。逆旅諾責。已淡焉忘之矣。刻接來信。謂書已殺青。專待夫子

一言。俾便發刊。噫。奇哉。是書價值。盡人皆知。歐西各國。幾於人手一編。羅素氏至指爲二十世紀之新紀元。卽各國學者。亦無不以梯彌敦維爾斯。方諸愛恩斯坦與安迭生。謂最近三大發明之一。何待乎鄙人之一言。始得博國人之信仰。是更可知國人之留心科學者少。以如此偉大之發明。在歐西已家喻戶曉者。在吾國尙有待乎提倡。學術之疲。至斯而極矣。二十年提倡新學之效果。如斯如斯。有心人爲之歎息不置矣。鄙人已有諾責。不容推辭。且感於魏生之殷殷厚意。不遠萬里。來索一言。而又慨於國人研究應用科學之寡。洞悉世界學說之少。不得不爲一言。示以梗概。願國人勿如宋人之買櫝還珠。則幸甚矣。至是書之博大精深。是術之神妙奇巧。自是有目共賞。一驗卽得。毋煩鄙人爲之贅言也。魏生來書。謂是書譯成。如釋重負。宛若他

人訪一新殖民地。久久不得。今始有獲。足慰國人。其言絕佳。然得一新殖民地。其效率不過多活數千戶。或數萬戶。而是書之效用。實足富國強種。而有餘。其所值豈僅一殖民地比哉。

中華民國十三年四月蔡元培書於法國之巴黎別墅

白光電球奇術 序三

不可思議

白光電球奇術目次

●原理

●施術

施術圖說

第一步入室就坐圖

第二步說明功用圖

第三步注目電球圖

第四步運轉電球圖

第五步試探羅術圖

第六步電球按摩圖

第七步感應舉手圖

第八步依言拍掌圖

第九步口舌感應圖

第十步最高試驗圖

●功效

驗人忠信術

驗人誠實術

驗人詐欺術

驗人貪鄙術

拾得黃金術

力擒猛虎術

力長千斤術

銅筋鐵骨術

乘龍登天術

白光療妬術

變換聰明術

改變刁嘴術

傻婿變乖術

助長文思術

改變美容術

笨女變巧術

感化蕩子術

感化蠻橫術

感化惡姑術

感化薄倖術

立解思鄉術

遠人縮地還家術

夫婦遠隔晤言術

游子飛歸術

破鏡重圓術

慰解思慕術

人體變貓術

游玩月球術

變獸嚙人術

改變面麻術

改變黑膚術

改變吊眼術

神祕換形術

空中臥人術

千里透視術

萬里聞歌術

呼風納涼術

喚雨灌田術

男身化女術

變女爲男術

嚼雪燙口術

盛夏畏寒術

鬼妻接吻術

鬼母談話術

晤見亡弟術

以物授鬼術

驅除鬼物迷人術

驅除邪魔崇女術

實施電光驅狐術

辟免狐崇術

變換男胎術

心理安胎術

驗女貞潔術

戒除賭癖術

戒除烟癖術

戒除酒癖術

戒除古癖術

戒除戲癖術

戒除嫖癖術

精神感通術

預知財運術

預知婚姻術

預知陸行安危術

預知水行遇險術

預知中途遇盜術

預知火災術

預知詐欺術

直入盜窟擒盜術

獲盜先睹盜贓術

擒盜躍登盜船術

巧獲謀殺兇首術

巧查無頭男屍術

透視銀行巨竊術

尋獲失蹤術

追捕拐匪術

追擒巨騙術

鑑人竊物術

鑑人非竊術

口噴焰火術

肖像唱歌術

辟免火災術

磁盆變化術

思人自至術

清水變酒術

冷水燙手術

伸手捉月術

坐榻渡洋術

室中獵獸術

敗子回頭術

鏡中愛寵術

夫婦和好術

點石成金術

電光觀戰術

人身變猿術

強人哭笑術

慰解悼亡術

兩足牢併術

返老還童術

立止牙痛術

立止咳嗽術

立止呃逆術
立愈痔瘡術
立愈失眠術
立愈疥瘡術
立治便閉術
立止哮喘術
立愈毒疔術
立愈骨鯁術
立愈失音術
立愈虛弱術

立愈瘡疾術
立愈刀傷術
小兒夜啼術
立止夢遺術
愈水火燙術
立愈暈船術
無水洗浴術
空手捕魚術

白光電球奇術 目錄

不可思議
白光電球奇術

比利時 維爾斯原著
中國 魏權予重譯

●原理●

二十世紀。電學昌明。已達極點。幾有奪天地造化之功。而別成一電力世界矣。原夫電學之創始。遠在十六世紀以前。英國有雪爾伯氏。發明磨擦生電。至十七世紀。美國有范格林氏。發明天空雷電之理。於是電學愈演愈進。致有動電靜電之分。動電經過導體。即發生磁性。靜電則不然。白光電球之製造。純以化學作用。採取靜電。煉成一種不可思議之電能力。而絕無觸電之危險。至於成功。斯術之原理。併合五種科學。爲分子。即電學、靈學、哲學、醫學、心理學。是也。試分析申論之。

一、電學。電學原爲理化科之一種分析名辭。本屬隨意科目。現在幾變爲人生最重要之必修科學矣。何則。蓋因電力成爲發明家唯一之原料。苟有成功。專利可操左券。以之制敵。強兵立致披靡。誠哉天演競爭時代之無上利器也。觀夫光學得電。可以一炬照百里。聲學得電。可以萬里如一堂。速率得電。可以駕霧騰雲。重力得電。可以拔山超海。諸凡工作之器具。交通之舟車。事物得電。助者皆著特異之效能。余（維爾斯氏自稱下同）夙喜研究理化。驚嘆電學之爲用。何其變化萬端。令人莫測其玄妙耶。爰出余積年心得。經再閱寒暑之功。始造成一種白光電球。屢經試驗。確有不可思議之妙用。因稱之曰奇術。要知此術之成功。電力僅屬成球之原素。其作用。則根據靈學哲學醫

學、心理學、四種學說而成者也。

二、靈學。靈學有神祕作用。可以感通鬼神。攝召亡魂。與之談話。並能使鬼現形。誠爲不可思議之怪異學說。今以電學與之配合。其成功之現象。直駕催眠術而上之。蓋電學憑物質以表現其作用。靈學以心理暗示其作用。一虛一實。同時交相爲用。被術者自易呈受術現象矣。然而人性之不同。猶如其面。性柔者富於感應性。固易受術。性剛者感應性爲物欲所蔽。往往不易受術者。補救之法。則在相濟以哲學作用耳。

三、哲學。哲學係玄妙之學說。能以自身之精神。測度他人之性情。百無一失。並且無遠不到。無微不至。幾有預知之明。所謂精神分析。所謂下意識。所謂催眠術。均不外是。施術者苟深明哲學。便能預知被術者之

性情柔者施以簡單手續。剛者施以複雜手續。永無隔膜之虞矣。按哲學之所以能預知者。全憑心靈作用。蓋心靈是世界人類所同具。無論男女老幼。智愚賢不肖。懷中心靈。同出一元。並無差別。哲學家憑心靈活動而能預知一切。施術者亦憑心靈作用而能預知。被術者之性情。功用雖異。主旨則一也。

四、醫學 醫學乃研究生理學與藥物學。以治世人之疾病者。似與此術道不同。不相爲謀。殊不知電氣療病。原爲電學中一種作用。斯術既由電學而成。則可以電球治人疾病。亦屬當然之事。惟係神祕治療法。既不同內科之驗病服藥。亦相異外科之剖割療疾。別成一種心理治療法。能治人醫藥罔效。針灸莫及之隱秘心疾者也。其效力全在受術者

之能呈受術現象。始可爲之治療。不呈受術現象。卽不能爲之治療。所以學此術者。不限於精通醫道。卽不明醫道者。亦可施術治療也。

五、心理學。電球術之成功。心理學實爲原動力。余原始發明此術。卽爲心理學感觸而起。所以此術之功用。在在根據心理學。凡施術時之手續。受術者之感應。以及治療疾病。戒你嗜好。偵緝盜賊。審辨貞淫。感化兇悍。慰解離愁等等。何一非心理學之作用。而功效之可以操券必得者。由於受術者完全無念。無想。無主動力。無抵抗力。全憑術者運用電力。給以暗示。始能一一心領神會。而絕無違拗。夫暗示僅得三言兩語耳。何竟有偌大之功效耶。蓋因施術之時。術者已洞悉受術者之希望。投以適當之引用法。例如偵探盜賊。則施電學作用之暗示。與鬼晤談。

則施靈學作用之暗示。變換智識與物質。則施哲學作用之暗示。治療疾病。則施醫學作用之暗示。勸化兇頑。則施心理學作用之暗示。各適其用。自入神化。且也電光本有萬能之感通力。更濟以靈哲醫心理等各種學說。自能衝動受術者之靈力。而收服從。改變感應。痊癒慰解。悔悟等等之功效也。

●施術●

實施電球術。雖可憑術者一己之自信心。以收效果。然而此僅片面之成功。難保施術之永無失敗。必焉使他人俱有信仰心。則實施時萬無不入。受術程度而半途終止者。方足稱完全成功。惟他人之信仰心。非可單憑自信心。

足以感召而普及者。祇憑自信力。雖亦可以使人信仰。僅囿於一二被術者及參觀者。此之謂局部信仰。不足稱奇。術者必須另具一種修養功夫。方能使社會人羣同深信仰。欲收此效果。第一須尊重道德。不作損人利己之事。交友以信。待人以誠。此之謂修養人格。第二須舉止大方。衣服整潔。面貌和藹。可親。不令人望而憎厭。此之謂修養品行。第三注重衛生。身體永久康強。精神耐勞。不倦。目光敏銳。神氣充足。此之謂修養身體。以上三項。既得修養成功。自足堅人信仰心。然猶未可率爾操觚。遽與人施術。必經多次之實地試驗。而後可。初次施術。當用兒童或老婦。此等人性情柔順。容易受術。而見功。既著成效。再以壯男試驗。若得屢試屢效。絕無失敗。方所告厥成功。要知施術之手續。爲電球術之第一步。必經施術成功。使人入於受術勢力。

中。方可給以暗示。而收功效。始基不愼。後效難收。其關係豈不重且大哉。每當施術之時。既導受術者入施術室。令其身坐椅中。先矯正其姿勢。頭必向前。微俯身軀。正坐而挺直。兩手置膝上。兩足平踏於地。靜坐作深呼吸。以此自然狀態。靜坐十分鐘。令其心中無念無想。然後以電球令其凝視。依下列圖畫并說明。按步設施。務使之閉目而入受術程度。若欲驗其受術之深淺。當施以暗示。令其伸手上拳。迨其上拳至半途。又示以不能動。若受術者果然不動。而終止。方為真入深受術程度。若遇剛性不易受術者。當於臨時實施種種補救方法。

補救。乃例外之一種預防法。若遇無信仰心之剛性男子。或由父兄強迫來受術之青年。此等人乍經施術。勢必不入受術程度。任其半途終止。術者之

名譽攸關。強制施以手術。歷久而仍無效果。于是不得不用補救方法。迫之使進于深受術勢力中。而徐收其效果。此種方法。宜未雨而綢繆。則事半功倍。若臨渴而掘井。則急何能擇。故稱之謂補救預防法。補救雖在施術之後。預防却在施術之前。明其主旨。始克收其功用也。其預防方法。大別之有二。一、佈置適宜。二、審辨確當。

一、佈置適宜。被術者不深入受術程度。大都由于信仰心不堅。性靈不受術者之感應。欲救此弊。必使被術者身心交泰。聽覺視覺甯靜。先以言語喚起其信仰心。不期然而然。自入於受術勢力中矣。欲得此結果。全在臨時佈置適宜。必得如何佈置而後可。分條申論如下。

(1) 坐臥舒暢。施術時所用之坐椅。臥榻。須用極柔軟之墊。與褥。使

被術者身處其中。盡覺舒暢而愉快。雖不經施術。久坐亦能沈沈睡去。則被術者雖無信仰心。一經電力作用。未有不入受術勢力中矣。

(2) 光線合度 施術室中光線宜弱不宜強。光線弱則被術者之視覺器少勞動。目中不受刺激。心中自少思念。則施術後易入受術程度矣。

(3) 問明希望 凡被術之人必有一種希望。始來求術。術者必於臨時詢問明確。并告以施術必能滿足希望。則被術者急欲達所求之目的。自易入受術程度矣。

(4) 表示功效 電術具有萬能力。盡人皆知。而電力之有危險。亦人

人所共悉。既有危險。不免心存恐怖。術者必先向人明白表示。此種電球有益於人身。兼能治人疾病。實無絲毫危險。余手持之。並不觸電於人。何害。則被術者之恐懼盡釋。自易入受術程度中矣。

(5) 流通空氣 施術室中。必須空氣流通。勿因遮蔽光線。便閉窗閉戶。窒塞空氣。阻礙被術者之呼吸。則心神奇適。自易入受余程度矣。

(6) 證明功效 請一曾經受術有效。并與被術者熟識之人。蒞場作公證人。能堅被術者之信仰心。自不難導之入受術勢力中矣。

(7) 摒除喧嚷 喧嚷最足動人聽覺。而心多思想。所以施術室中。只有術者發言權。參觀席上。無論何人。皆不能言語。施術室近處。亦

不容人高聲喧呼。則受術者耳無感觸。自易入受術程度中矣。

(8) 排泄小便 施術煩難者。歷時甚久。而吾人之小便短促者。往往不能耐久。所以施術前。必令被術者排泄小便。則可免因尿急而半途醒覺也。

二、審辨確當 人性有剛柔之分。施術有繁簡之別。苟不將被術者先行審辨確當。安知其性情之剛柔。而施以適當手術耶。今將審辨方法。申論如下。

(1) 審辨土著 人性由產生地而別剛柔。生近溫帶之人。其性柔。生近寒帶熱帶之人。其性剛。

(2) 審辨年歲 年在十五歲以內。五十歲以外之人。性剛不爲人欲

所蔽。受術易。自十六歲以下。四十九歲以內之人。性靈盡爲物欲所包。受術難。

(3) 審辨男女 女子天性比男子柔順。受術容易。老婦性情比少婦和善。受術較易。

(4) 審辨容貌 面貌和藹。言語輕緩者。極易受術。目光靈活。聲音宏亮者。最難受術。

(5) 審辨體質 富於黏液質之肥人。受術容易。屬於神經質之瘦人。受術較難。

(6) 審辨嗜慾 不嗜好烟酒賭博者。容易受術。嗜好烟酒賭博者。不易受術。惟好色之人。亦易受術。

(7) 審辨職業 凡教員、學生、軍人、及服務公署職員、宗教家、小說家、文學家等。容易受術。因其習於有秩序之動作故也。戲劇家、武術家、并無職業之游蕩人。不易受術。因其放浪故也。

(8) 審辨天時 春秋佳日。氣候溫和。身心交泰。容易受術。冬夏時節。酷熱嚴寒。激刺太深。不易受術。

(9) 審辨習慣 素來喜閱神怪小說。及堅於信道心者。容易受術。不信靈學並神仙鬼怪。自命不凡。自信太重者。不易受術。

(10) 審辨意志 意志堅決。深信電球奇術。確有不可思議之效力者。容易受術。意志游移。疑惑電球奇術。是否有效之人。不容易受術。

依上列十項方法。審辨既竣。確知人容易受術與不容易受術矣。若遇同時

偕來。一爲容易受術。一爲不易受術者。則將容易受術者。先行施術。使不容易受術者。在旁參觀。以堅其信仰心。立時可變換其意志。亦成容易受術之人。若是單獨來一極不容易受術之人。或是同來者都係不容易受術之人。則施術時又需用一番試探手續。例如被術者已閉目受術矣。施以暗示。命其舉手。忽又令其停止。不能舉動。實驗其果然不能舉動。方爲真正受術。既能臨時審辨。又能先事佈置。則補救預防法之能事已盡。萬無施術後。不呈受術現象者矣。是則更進而研究解術方法。夫施術固有難易之分。解術亦有遲速之別。術者務須了然於心。方能措置裕如也。

解術、乃最後設施之手續。將受術之人。于功效告成後。使之還原。回復未受術時之本來面目。原是最容易之事。或用電球。或用暗示。亦須合于電學、靈

學、哲學、醫學、心理學、五種學說。而實施解術方法。

一、合于電學之解術法。術者以電球向受術者眼前運轉三次。而暗示

之曰。『術已解矣。君之原有知覺。前被電力攝收者。現在仍由電力送還。君當立刻回復原狀矣。』受術者即徐徐張目而清醒。

二、合于靈學之解術法。術者以心靈感通受術者之精神。而暗示之曰。『君不在受術中矣。可徐徐張目。恢復未受術時之狀態矣。』受術者即徐徐張目而復原狀。

三、合于哲學之解術法。術者自信以語言爲彼解術。彼必能感應而醒覺。遂暗示之曰。『君恢復原有狀態。張目醒覺。可以離座舉步矣。』受術者果即張目舉步。

四、合于醫學之解術法。暗示被術者曰：『君之痛苦已經電術治療完全告痊。術已解矣。可醒覺張目。回復君之本來面目矣。』被術者即徐徐張目醒覺。若不醒。即以電球自頭頂起。向下按摩七次。必醒。

五、合于心理學之解術法。暗示被術者曰：『君之性靈已有自主力。不在電術勢力中矣。醒醒回復未施術前狀態。』被術者果即張目還原。

第 一 步

入 室 就 坐 圖



●施術圖說●

施術室中央置榻一椅一。南向置桌一。左右靠壁置參觀座各一。室之上端須開窗以通空氣。又須用黑布作幔。隔斷光線。室中溫度常以攝氏表六十度爲合宜。施術者前導受術者入室，令之就坐西式軟椅中。施術者面部須於端嚴肅靜中。含可親之象。出語亦須和緩。

第 二 步

說 明 功 用 圖



受術者既就坐椅中。施術者立於其右。保持莊嚴親近之辭色。向受術者說明。白光電球術。是新發明之奇術。有神秘之效能。事事能滿足求術者之希望。無觸電之危險。收術後精神反增健旺。并問受術者所求之目的。必須直言無隱。迨受術者說明所求之希望後。遂語之曰。保君得到圓滿效果。請稍息。毋思毋想。

第 三 步

注 目 電 球 圖



術者以右手入衣袋中。取出白光電球。遙置於受術者之眉額間。距離約三英寸。高出平視線二英寸。以左手輕接受術者之頭頂。語之曰。『雙目凝視電球。心中毋思毋慮。耳中無聞。口鼻中緩緩呼吸。』語畢。留意其是否惟命是聽。若受術者目光不專視電球。卽再語之曰。『注目電球。勿觀他物。心中不得胡思亂想。』

第 四 步

運 轉 電 球 圖



受術者如係柔性。凝視電球
半小時。即呈受術現象。眼瞼
漸漸閉合。沈沈入睡。如第五
圖然。若係剛性。凝視電球後。
依然雙目張大。不呈受術現
象。則施術者將電球向其眉
目間。緩緩運轉。漸漸迫近。約
離受術者之眼珠約一英寸。
旋轉三十六次。并暗示之曰。
『爾精神已憊矣。眼瞼下壓。
行將受術矣。』暗示語聲。須
輕微而緩。如見其果然閉目
睡去。便又低語之曰。『受術
矣。已呈受術現象矣。』

第五步


試探羅術圖



被術者如已雙目緊閉實呈受術現象。試術者必經實地試探，是否真入受術程度。術者移開電球。頭上之手亦抽離。凝神細聽被術者之呼吸。果係平均而無深促。眼瞼久不撥動。此乃真入受術程度矣。


第 六 步

電 球 按 摩 圖



受術程度淺者。容易醒悟。本已呈受術現象。一經試探。被術者即張目直視。柔性人萬無此等現象。若遇剛性而兼信仰心薄弱者。偶或有之。當於張目時。即用電球輕摩其全體。自頭部起自上而下。隔衣輕摩其全身。用刀漸漸加重一二分。執球之手須微微震動。使受術血液下行。立成腦貧血。旋得深入受術程度矣。

第七步
感應舉手圖



既施電球按摩。必至被術者入於受術程度而後已。斯時雖呈受術現象。尙不能遽施以功效之動作。必先試探其感應性。已入深程度乎。抑尙在淺程度耶。若在淺程度。只能施以輕微之功效。必入深程度。始可施重大功效。或治療術。始得收圓滿之結果。試探感應性。術者運用自己之精神。感想被術者之兩手。必能感應我心之所思。要其向上高舉。但不以語言暗示。只用執電球之手。作一高舉狀。而被術者果即隨之。兩手上伸。此即精神感應之證。

第八步
依言拍掌圖




精神感應既已實驗。則受術程度已深。各種容易之暗示。必然都能感應。再當進一步。試探語言感應。術者即以鄭重之辭。暗示之曰。『爾已深受電球術之感化矣。當惟余言是聽。試舉手拍掌。再拍掌。三拍掌。』斯時受術者果依言舉手拍掌者。三術者又暗示之曰。『爾手掌痛矣。不能拍掌矣。試拍之。亦輕而無聲。』斯時被術者果將兩手台拍。輕而無聲。術者又暗示之曰。『爾既手掌痛矣。盍垂爾手。以事稍息。』斯時受術者果下垂其手。而寂然不動矣。

第九步
口舌感應應圖



兩手感應動作既實驗。當讓受術者靜止十分鐘。以資休息。然後試探口舌感應動作。術者暗示之曰。『張大爾口』受術者果應聲張口。術者又示之曰。『口勿閉。試伸爾舌』受術者果然張口伸舌。術者又示之曰。『噫爾口能開不能閉。爾舌能伸不能收。爾且試之。必然不能閉不能收。』受術者果然舌搖不能縮。口動不能閉。術者遂出電球向受術者口部懸空旋轉一次。兼示之曰。『吾已用電球治療法矣。爾舌能收。爾口能閉矣。』受術者果應聲縮舌閉口。回

第十步
最高試驗圖



復受術現象。
電球奇術中最高深者。莫如令
受術者張目舉步。二者苟非深
入受術程度者。容易促醒被術
者。非但不能感應。反爲施術之
障礙。所以各種動作。都以實試
感應。最後當試驗張目舉步二
動作。惟須審察受術者果有張
目舉步之程度。始可暗示之曰。
「有美麗之花在爾面前。試張
目觀看。爾已深入受術程度。張
目看花後。仍可閉目。速張爾目。
張目。」受術者果然張目。向地
下凝視。彷彿觀花狀。久之仍閉
目。還原狀。術者又暗示之曰。「

舉爾步走避。否則爾身將爲汽車撞倒矣。』受術者果離坐舉步。術者立即示之曰。『汽車去遠矣。爾且安坐勿驚。』受術者果應聲回步就坐。則以後無論如何艱難動作。皆能感應表現。何則。此種舉步避汽車。帶有恐怖之暗示。極容易驚醒。苟非受術至極深程度。必不能感應也。經此最高試驗後。不用再事試探。便可依被術者所欲得之希望。實施奏功手術矣。

● 功效 ●

功效者何。卽於施術後。應各被術者之所求。引用電術。并適當方法。以達所求者之目的之謂也。功效之現象與結果。種種各別。故手續之設施。亦色、色、不同。其引用之方法。有心力。感通法。心理作用法。語言感化法。電光透視法。

恫嚇法。勸化法。智誘法。預期法。等等。隨時隨地。依被術者之心理。酌用合宜方法。而實施之。則神乎其技。有不可思議之効力。欲知各法之作用如何。細觀下列各種實施功効。自能恍然於心。而引用裕如也。

驗人忠信術

驗人忠信。用施術法。導人入深受術程度。以莊言謂之曰。『有人將聘君爲銀行經理。嫌君膽小。托余爲君更換心膽。』言下。卽以紙剪紅色心一。黑色心一。置桌上。而謂之曰。『君試啓目視桌上。一紅色心。只利行主得贏餘。一黑色心。利君自身而損行主。君換之。可成巨富。請君自擇。』被術者卽取紅色心于手。足驗其人之忠信可靠。如取黑心。必係嗜利小人。此乃心理作用也。

驗人誠實術

驗人誠實。如法導之入深受術程度。以莊言謂之曰。『請君啓目視。此係君家中拍來之電報。』言下。卽以預備之電報授之。曰。『電報中云君愛子病篤。囑君速匯巨款接濟。此帑銀票。是君公司中之貨款。移挪之寄歸君家。以充君愛子之醫藥費可也。』語畢。卽以銀票授之。被術者搖手不取。足見其誠實。

驗人詐欺術

驗人詐欺。如法導之入受術勢力中。以言謂之曰。『我有二萬金假支票。惟須密司忒文奈司簽字。方可向銀行支款。君之書法。絕似密司忒文。請君啟目一揮。取得巨金。與君共之。』此時被術者啓目。術者卽以預備之假支票及自來水筆授之。被術者竟受而簽字。面現愉快狀。必係詐欺之徒。

驗人貪鄙術

驗人貪鄙。如法道之入受術程度。以莊言謂之曰。『君充某洋行之執事。可以移挪行款。經營投機事業矣。』又謂之曰。『某種股票。現在漲價。將來必可獲利。君當暫移巨款。作孤注之一擲。』此時被術者如果手舞足蹈。表現得意狀。其人必係貪鄙之徒。此亦心理作用。

意外拾得黃金術

遇財迷家。希望拾取黃金。先如法導之入深受術程度。以電球向其兩目旋轉三次。球與目距離一英寸。并以莊言謂之曰。『天落巨塊黃金。在君手中。君試啟目視。必然愉快萬分。』語畢。即以瓦片授其手中。被術者啟目注視。手中瓦片。竟認作黃金。大笑而納諸懷。當待其笑容靜止。始可爲之解術。此

乃兼引預期幻覺兩種作用。

力擒猛虎術

無力之人。欲擒猛虎。當如法導之入深受術程度。以電球推摩其四肢七次。以莊言謂之曰。『君有力擒猛虎之勇矣。』言下以貓置其足畔。而謂之曰。『虎在君前。君速啟目擒之。』被術者啟目見貓。竟認作虎。伸手擒得之。按諸地而大笑。以後被術者果然漸有猛力。

力長千斤術

使人力長千斤。先導之入深受術程度。預備一方千斤石於被術者之前。而以電球按摩其全身二十四遍。以莊言謂之曰。『君啟目視此石。能勝高舉之任乎。』被術者啟目注視巨石而搖手。『又謂之曰。『君兩臂有電能力

之助。區區此石。舉之綽乎有餘。』被術者即離座作坐馬勢。雙手舉石。神色不變。此乃電能力作用也。

銅筋鐵骨術

使人成銅筋鐵骨。先如法導之入深受術勢力中。以電術按摩其全身三十六遍。以莊言謂之曰。『君已成銅筋鐵骨。金剛不壞之身。仰臥於地。腹上可以立人。』被術者即離座臥地。術者又謂之曰。『君之全體已堅如鋼鐵。用力挺直。便可載重。腹上便可立人。』言下。術者移兩足踏其小腹上。果然堅硬如石。

乘龍登天術

乘龍登天術。如法導人入深受術勢力中。以莊言謂之曰。『君試啟目跨此

龍背。可以遨遊天空。』言下。被術者即啟目。術者以手杖示之曰。『此乃神龍。現首不現尾。乘之可以穿雲上天。』被術者果執手杖之一端。身跨其上。在室中馳驅三匝。始離杖歸座。此乃幻覺作用耳。

白光療妬術

白光療妬術。先導人入深受術程度。再以電球白光。注射其緊閉之兩目。以言謂之曰。『啟目。啟目視室中之腐屍。』被術者即啟目。向前凝視。如見腐尸。作掩鼻狀。術者又謂之曰。『此婦人之屍。因其生成妬性。致丈夫與之不睦。憂鬱而死。家人恨其妬。均置之不問。致屍腐而尙未埋葬。彼固有名之妬婦也。而今安在哉。』被術者聞言。面部如現感悟狀。解術後妬性漸減。此乃感化作用之一種。

變換聰明術

變換聰明術。都施於笨學生。先導之入深受術程度。以莊言謂之曰。『君性笨。因腦力薄弱之故。一經電球按摩。腦筋健全矣。』言下。卽以電球自血海上撫至腦部。周轉十二次。以紙筆授之曰。『君已聰明矣。試啟目將昨日所讀之生字寫出。』被術之學生。卽張目執筆。疾書生字拚法於紙。迨至解術後。漸化爲聰明學生。

改變刁嘴術

改變刁嘴術。施於童子者居多。如法導之入深受術勢力中。以莊言謂之曰。『刁嘴不是病。慣以舌尖發音所致。祇須緩緩學我語言三遍。立時嘴可不刁。』此時被術者側耳靜聽。術者卽以語言示之曰。『知爾刁嘴。療爾刁嘴。』

爾能說清。刁嘴不刁。』被術者果唇吻徐徐掀動。低聲學語者久之。及至解術後。試以語言。果然口齒清楚矣。

傻婿變乖術

傻婿變乖術。先導傻婿入深受術勢力中。以電球按摩其腦部及胸腹。各二十四遍。以莊言謂之曰。『君之傻性。已被電球運化。性靈已隨電能力。灌入君之腦經。從此變成乖巧矣。』被術者聞言。以手按其腦。又撫其胸口。片時始甯靜。解術以後。面目間傻氣稍減。神志亦稍覺乖覺矣。

助長文思術

助長文思術。大部施於文學家及小說家者居多。先如法導人入深受術程度。以電球自足跟起。上摩至頭頂。凡二十四遍。又在兩太陽穴按摩各十二

次。既畢。以莊言告之曰。『君之血液充足於下半體。腦部已成貧血症。故爾文思滯鈍。現得電球按摩之力。全身血液平均。腦貧血症告痊。從此文思敏捷矣。』言下。授以自來水筆并白紙。而謂之曰。『君緩緩張目。默寫一段舊作。』被術者即張目執筆。略加凝思。便振筆疾書一篇筆記。及至解術後。文思果然漸漸敏捷矣。

改變美容術

改變美容術。實施於婦女者居多。先導之入深受術程度。以電球在其面部推摩二十四次。并以莊言謂之曰。『姑娘之容貌。已得電球萬能力之改造。變成美麗如花矣。試啟目對鏡自視。始信予言。』語畢。即以手鏡授之。被術者接鏡。注視良久。鏡中現一美人。不禁驚喜若狂。

笨女變巧術

笨女變巧術。先導人深入受術程度。以電球推摩其全體。球與衣服距離一英寸。次數依其年歲而定多寡。推摩時并以莊言示之曰。『余憑電球之萬能力。助長汝腦。啟發汝心思。使汝笨性消滅。智識開通。』推摩既畢。又示之曰。『汝已脫胎換骨。變成一伶俐姑娘矣。可以徐徐啟目。漸漸清醒矣。』迨至解術後。果然漸覺靈巧。非復昔時之頑笨不化矣。

感化蕩子術

感化蕩子。如法導之入深受術勢力中。以電球白光注射其緊閉之兩目。約五分鐘。再向其心口按摩二十四次。遂以莊言謂之曰。『君可啟目。觀看怪人之悖謬行爲。』被術者即啟目前視。如有所睹。術者又謂之曰。『怪人手

捧許多金銀寶石。拋入河中矣。又將其美麗之妻。送給富人矣。怪人又竟自焚其室矣。噫。怪人之悖謬行爲。卽是蕩子之揮霍家財。君其猛醒。勿將金銀拋棄。美妻送人。華屋焚燬。』被術者聞言。頷首者再。表示感悟之意。解術後。果然頓改前非。從事正當職業。

感化蠻橫術

感化蠻橫。如法導人入深受術程度。以莊言謂之曰。『君試啟目。觀彼少年蠻橫無禮。恃兇毆人。』被術者卽啟目作凝視狀。術者又謂之曰。『少年肇禍矣。將人打死矣。已被警察捉將官裏去。殺人者死。罪有應得。少年之性命。亦將赴斷頭台告終矣。君之蠻橫。不亞於彼少年。觀之可覺寒心否乎。』被術者大感悟。面上蠻橫之色盡斂。徐徐點首以示知悔之意。解術後性情由

漸改善。不再以蠻理對人。

感化惡姑術

感化惡姑。如法導之入受術程度。以電球隔衣按摩其前胸後背。各三十六次。再以電球之光。注射其閉目。約五分鐘。始以莊言謂之曰。『爾已深入受術勢力中。可以啟目前視矣。』被術者果徐徐啟目作前視狀。術者又示之曰。『爾睹榻上之老婦。呻吟狀。尿污橫流。口中猶喘聲呼飲。而彼之媳婦兀坐在傍。置若罔聞。此係老婦平日兇惡太甚之報。爾亦有惡姑之名。宜速猛醒。』被術者大感悟。嗣後對待其媳。漸覺和善多矣。

感化薄倖術

感化薄倖。如法導之深入受術程度。以電球按摩其胸腹十二次。以莊言示

其啟目而謂之曰。『君不見室中一羣幼年子女。都向男子牽衣啼哭。呼父喚母之聲。喧擾一室乎。蓋由彼男子薄倖成性。其妻與之宣告離婚。欲續娶而人皆不願。演成此慘劇。君亦薄倖人。將蹈其覆轍矣。』被術者連聲唱歎。表示感悟之意。嗣後果不復如前之薄倖矣。

立解思鄉術

立解人思念家鄉。先如法導人深入受術程度。以莊言謂之曰。『君搭乘頭班火車。瞬息千里。已抵君之家鄉矣。君且啟目下車。步行而歸。片刻可與家人相見。』被術者果即張目作步行狀。術者又謂之曰。門前之活潑稚子。殆君之愛子耶。果在彼呼君爸爸矣。』此時被術者手舞足蹈。俯身作懷抱小兒狀。又作接吻狀。良久始靜止。

遠人縮地還家術

縮地還家術。施於思念丈夫遠出不歸之婦女。先如法導之入受術程度。以莊言示其啓目。術者便以電球授之曰。『此係電光千里鏡。可以遠觀千里。如在目前。爾試窺之。』被術者便張目接球注視。術者又謂之曰。『爾之丈夫。手攜皮包。冉冉而來。彼亦窺見爾矣。在彼向爾頷首。』此時被術者笑容滿面。向電球點首不已。如見其丈夫然。

夫婦遠隔晤言術

遠隔晤言術。施於遠出之人。思念妻子者。如法導之深入受術勢力中。以白光電球在其眼前旋轉十二次。以莊言謂之曰。『尊夫人手攜愛子。偕來探望君矣。啟目一觀。方信予言之非虛。』被術者果啟目前視。如真見其妻子。

之僭來者。面部頓現愉快之色。繼以唇吻掀動。作與人問答狀。此乃心力感通作用也。

游子飛歸術

遊子飛歸術。可施於子在遠方。知父母在家患病。可以立時飛歸探望。其法先導遊子入深受術勢力中。以電球光注射其緊閉之兩目。再向其兩脇按摩各十六次。始以莊言謂之曰。『君之兩脇。得電球萬能力之助。已生出兩翅。可以立時飛回家鄉。探望母病矣。飛速飛。』被術者即以兩臂作撲翅狀。閱時。術者又謂之曰。『君已安抵家門矣。擁被臥榻上者。是即君之老母。君當啟目細視其病狀。』被術者果張目起立。目光凝視睡椅。面現戚容。并唇吻掀動。作問病狀。直如目睹病母在前然。此乃心理作用之功效也。

破鏡重圓術

破鏡重圓術。只能施於夫婦離散之男子。先導之深入受術程度。以白光電球注射其閉目。約五分鐘。以莊言謂之曰。『噫。手攜小孩而來之婦女。緣何目不轉睛。集視君面。君當啟目視之。』被術者果即啟目凝視。術者又謂之曰。『小孩呼君爸爸。則是君之愛子。此係君之夫人也。』被術者如見其妻子然。俯首作與子接吻狀。又作與妻握手訴愁狀。面部驚喜之色交集。良久始歛。此乃預期作用之感應也。

慰解思慕術

慰解思慕術。導人深入受術程度。以莊言謂之曰。『君因女伶亨利赴法獻技。無從聆其歌喉。思慕不置。現在亨利已偕葛來太尉。乘飛艇歸國。感君之

雅愛。特來探謁。君試啓目一視。姍姍而來者。亨利姑娘也。被術者卽張目驚視。頓然狂態畢露。行握手禮後。又向自手接吻。蓋彼認作亨利之柔荑也。

人體變貓術

人體變貓術。先如法導人入極深受術勢力中。以莊言謂之曰。『怪哉。君何茸茸然全體牛手。已變成貓狸矣。不當坐於椅。宜蹲地作貓。』被術者果離座。以兩手伏地作貓形。術者又謂之曰。『不聞鼠聲自穴中出乎。貓有捕鼠之職。當作勢待隙而擒之。』此時被術者果蹲伏於地。目光逼射牆隅。忽地疾爬而前。直如貓之捕鼠狀。術者慮其撞傷頭顱。卽爲之解術。曰。『君非貓。實是人。請卽起立歸座。并如法使之醒悟。』

游玩月球術

游玩月球術。導人深入受術勢力中。以莊言謂之曰。『君欲身入月球。以探球中奧妙。請啟目登此上天梯。可以上通霄漢。直達月球。言下待被術者啓目。卽導之登梯頂。而謂之曰。『已抵月球矣。可聞絲竹之音。頗堪悅耳。不有人類。聲自何來。球中惟多山水。惜無動植物。否則君之此行。又可發見一新大陸矣。』被術者眺玩良久。始由梯而下。

變獸噬人術

變獸噬人術。大都施於兇惡之徒。以資儆惕。先導之入極深受術程度。而謂之曰。『腥風來兮。將有猛獸繼至。防其擇人而噬。』被術者鼻管微動。如嗅覺腥風然。術者又謂之曰。『果然猛獸自林中出。此名嫉惡獸。惟惡人是食。故向君前直躡。君命殆矣。』被術者恐怖欲絕。急匿身於座下。術者又謂之

曰。『匿身只能暫避一時。不如改惡從善。則再遇猛獸。不虞吞噬矣。』

改變面癩術

改變面癩。導人深入受術程度。以電球按摩癩面三百六十週。以莊言謂之曰。『君之面癩。已受電球萬能力之平均摩擦。凹處一律漲滿。麻點無存。血液流通。皮肉一般紅潤矣。君試啓目。對鏡自視。』言下。卽以鏡授之。被術者接鏡自視。幾疑不是自己面貌。蓋已變成光滑無癢之白面矣。

改變黑膚術

改變黑膚術。不論胎生與日晒之黑肌膚。皆可變白。其術先導人深入受術勢力中。以電球按摩其全身。〔男子貼皮按摩。女子隔衣按摩。不能示人處不必摩。〕凡七十二遍。使其全身血液流通。始以莊言謂之曰。『君之週身

血脈。盡得電能力之運轉。肌膚所含之黑色。盡由汗毛中發洩無存。從此漸漸變白矣。君如不信。請張目自視。以證我言。』被術者果張目自視兩臂。黑色盡退而變白矣。

改變吊眼術

改變吊眼。先導人深入受術勢力中。以電球光注射其吊眼。并懸空摩其吊眼之上臉。凡三十六遍。以莊言謂之曰。『君之吊眼。已得電能力之運化。皮肉平坦。吊眼已告痊矣。』被術者聞言。猶不之信。及至照鏡自視。方知眼皮果然不吊矣。

神祕換形術

神祕換形術。可使粗俗癡肥之婦女。變成細腰嫵娜之美女。初施術手續。亦

與普通無異。惟電球推摩除去兩腰。只推摩上半體之前胸後背。及兩腿各三十六遍。以莊言謂之曰。『汝已得電能力之改造。粗濁之面貌。變成俊俏美容矣。痴肥之腰身。變成苗條細腰矣。汝必不信。試張目離座。至壁鏡前。一窺改造之身段。方信電術有不可思議之能力也。』被術者果張日起立。至壁鏡前。向鏡中人愕視良久。幾疑不是自身。此乃電能力之神祕作用也。

空中臥人術

空中臥人。完全是電能力之作用。先令被術者仰臥榻上。兩足伸直並緊。兩手下垂。緊貼腰際。衣服須單薄貼身。然後如法導之入極深受術程度。術者兩手各持一電球。向被術者胸口及小腹處。懸空旋摩。球與皮肉距離一英寸。兩手旋摩旋向上移。被術者身體隨之而上。兩侍者即將臥榻移去。被術

者身臥空中。隨球上落。術者兩手執球下摩。被術者身體卽下落。兩手上摩。則身體上移。如是可歷一小時。仍將臥榻置其身下。而爲之解術。

千里透視術

千里透視術。可以身在比國。目睹日本之博覽會場。先如法導人入極深受術程度。以電球白光。注射其緊閉之兩目。再向其上下眼臉（距離一英寸）旋摩十二次。然後以莊言謂之曰。『君仗電術之萬能力。頃刻已抵大坂矣。君殊不信。啓目諦視。君身已在大坂博覽會場中矣。』被術者果張目四顧。作驚惱狀。術者指南向而告之曰。『此是日本出品部。分外陳列整齊。』又指北東西三向而告之曰。『北部係支那出品。東部是美洲各聯邦出品。西部係歐洲諸國出品。』此時被術者左顧右盼。如入山陰道上。有目不暇給。

之概。

萬里聞歌術

萬里聞歌術。先如法導人入深受術勢力中。以電球輕摩其聽覺器。與視覺器。各二十四轉。以莊言謂之曰。『君酷愛美國女伶嘉麗之歌。現彼在紐約大劇場鬻技。余仗電術之能力。可於萬里外聆其歌曲。』語畢。卽以電球授被術者曰。『君以右手執柄。以球湊近右耳聽之。自有妙音入耳。』被術者果執球靜聽。欣欣然以足踏地。按歌劇之拍子。久之始已。（注意如聽男人之歌。須執以左手。聽以左耳。）

呼風納涼術

呼風納涼術。宜施於酷暑之日。如法導人入深受術勢力中。以電球自頭頂

起。自上向下。撫摩至足。十二次。使其血液下降。熱度低壓。既畢。以莊言謂之曰。『大風來兮。樹葉飄莎。塵土飛揚。快哉此風。君宜張目起立。披襟當之。熱度可以低降矣。』被術者果解去領結。離座而立。真若有大風之吹面者。額汗漸止。面上紅色亦漸退。

喚雨灌田術

喚雨灌田術。宜旋於亢旱之時。受術者必係農人。先如法導之。深入受術勢力中。以預期作用法示之。曰。『爾試張目上視天空。油然作雲。沛然下雨矣。隆隆然雷聲頓起。呼呼然狂風怒吼。大雨如注。彷彿如傾盆潑水。從此田蕩沾足。農植物不虞枯槁矣。』此時被術者昂首作注視狀。忽然手舞足蹈。樂不可支。蓋見大雨驟至。頓慰雲霓之望也。

男身化女術

男身化女。先導人入極深受術程度。以電球按摩其全身二十四遍。以莊言謂之曰。『君因天生愛質。願化作女兒身。以享美麗之盛名。今得電術萬能力之改造。君身已成美女矣。試張目離座。學作姍姍美女步。』被術者果離座張目。輕移細步。繞室一週。

變女爲男術

變女爲男。先導女入深受術勢力中。以莊言謂之曰。『爾希望化作丈夫身。今得電能力之變化。已易爲男子矣。爾殊不信。可啓目離座。至壁鏡前。自窺變成之形體。』彼術者即啟目離座。大踏步至壁鏡前。行步竟若男子狀。身段亦變成剛強。非復本來面目矣。最奇者。解術後。出語亦成男子聲矣。

變人爲馬術

變人爲馬術。先導人入極深受術勢力中。術者先默示之云。以吾之心思。感通爾之靈力。事事服從。有令必遵。默示既畢。以精神擬集其面。而謂之曰。『噫。爾身忽生鬃鬣。變成馬矣。當啟目離坐而立。』被術者果離座俯身。昂首作馬立狀。術者又謂之曰。『馬能日行千里。方稱良馬。爾試於此場中。奔馳一週。以驗爾之足力。』被術者卽以手足貼地。爬行一週。此乃心力感通作用。惟被術者甚爲費力。宜暫不宜久。

嚼雪燙口術

嚼雪燙口術。宜施於嚴冬下雪之時。先導人入深受術勢力中。預備一盆以雪捻成之點心。然後以莊言謂之曰。『君試啟目。請嚼此剛終起燭之油炸

麵包。』語畢。卽以雪捻成之麵包。置其前。迨被術者啟目取食。遂謂之曰。『如此熱騰騰之麵包。入口不覺燙舌乎。』此時被術者卽吐雪於地。伸手捫舌。表示被術之意。此乃幻覺作用也。

盛暑畏寒術

盛暑畏寒術。於酷熱時施之。可以卻暑。施術手續。與普通相同。既入深受術勢力中。以莊言謂之曰。『噫。不是嚴冬天氣。竟大雪紛飛矣。君僅穿一葛衣。不覺寒乎。』被術者聞言。果作瑟縮狀。面部熱度。立時低降。術者卽以外衣授之。曰。『請君服此衣。暫禦寒氣。』被術者累接衣加身。面現感激狀。此乃心力感通作用也。

鬼妻接吻術

鬼妻接吻術。施於思念亡妻之男子。先導之入深受術勢力中。以電球注射其緊閉之目。約五分鐘。始收球而謂之曰。『君之兩目。已得電術萬能力之助。可以啟目透視幽冥。尋找君之夫人矣。』被術者徐徐啟目。作凝視狀。術者又東指而謂之曰。『此姍姍而行之盛妝婦女。殆即君之夫人耶。』此時被術者之目光。東向注視。忽爾離座。繞室狂奔。作追趕狀。室隅預置一高如人等之蠟製女像。被術者遽前撲抱之。與之接吻。良久始罷。此乃靈學作用也。

鬼母談話術

鬼母談話術。大都施於懷念故母之孝子。先導之深入受術勢力中。以電球之白光。透射其緊閉之兩目。約四五分鐘。即以莊言示其啟目前視。而謂之

曰。『此行步蹣跚之老婦。因何佇立君前。諦視君之面貌。』被術者卽舉目前視。術者卽告之曰。『彼是君之老母。一年不見。幾使母子相見不相識矣。』此時被術者悲喜交集。起立而前。唇吻掀動。與其母作問答。惟語聲低微。他人不聞其所作何語。此乃靈學作用也。

晤見亡弟術

晤見亡弟術。施於篤於友愛之人。先如法導之入深受術勢力中。并以電球之光透凝其兩目。以莊言謂之曰。『君之愛弟歸矣。履聲橐橐然。已升堂入室。君殊不信。啟目一視。始信予言。』被術者果徐徐啟目。以巾拭目而回顧。術者又謂之曰。『身服嗶嘰衣褲。手攜小皮篋。昂然入室者。是卽君之愛弟也。』此時被術者如有所睹。遽爾起立。作與人握手狀。并面現驚喜之色。此

亦靈學作用也。

以物授鬼術

以物授鬼術。大都施於思念亡兒之婦女。先導人入深受術勢力中。以電球先射透其兩目。并以莊言示其啟目而謂之曰。『爾日夕思念愛子。冀得一見。今可如願以償矣。愛子現在爾前。天真爛漫。在彼喚汝母親。』被術者舉目注視。真若獲睹愛子然。面容愉快萬分。術者又謂之曰。『稚子在彼耍索玩具。余有好玩之西洋畫片。贈爾愛子。』言下。卽以預備之畫片。置於桌。被術者含矣。向余作道謝狀。并取畫片翻閱殆遍。仍置於桌。并唇吻掀動。囑愛子收藏。惟語極細微。不甚可辨。此亦靈學作用之一種。

驅除鬼物迷人術

驅除鬼物迷人術。實施於被迷之人。如法導之深入受術勢力中。以電術按摩其胸腹部二十四次。以莊言謂之曰。『君已得神祕電術之護持。以後如見鬼物。莫再被其擲揄。當放膽擒之。』語畢。即以莊言示其啟目。授以電球一枚。而謂之曰。『鬼物來矣。君待其近身。出其不意。以球擊其首。鬼物必抱頭鼠竄而逃。』此時被術者果如眼見鬼物。忽爾以球向空猛擊一下。并以足向地亂踐。虛作追趕狀。解術後。即以電球贈之。囑其如見鬼物。依施術時之方法猛擊之。後患自絕。

驅除邪魔崇女術

驅除邪魔崇女術。實施於被崇之女子。先導之深入受術勢力中。以莊言示其啟目。即授以電球。而謂之曰。『爾手中之神祕電球。有降魔捉怪之萬能。

力。爾如見邪魔來犯。只須以電球之光注射其心窩。立即喪膽而逃。』繼又謂之曰。『邪魔果然來矣。速放白光。射准心窩矣。魔已遠遁矣。』此時被術者手執電球。向空注射。目光瞄準。如邪魔之真在目前然。迨主解術後。以電球贈之。并囑其懸挂臥室中。邪魔不敢入室侵犯。如遇遠出。必須隨身攜帶也。

實施電光驅狐術

電光驅狐。不施於人。而施於狐精據擾之目的地。故曰實施。例如居家忽遇狐崇。拋崇失物。飯內遺獸糞等。術者即造其家。以白光電球逐室透射。狐精總在暗室。或樑間壁縫中。一經電光施射。必現原形而外竄。術者當示之曰。『姑念初犯。恕爾逃生。如再擾人居室。立以電力殛汝。』此時狐必忘魂喪。

魄而逃。

辟免狐崇術

辟免狐崇。施於身被狐崇之人。先導之入深受術程度。卽以電球按摩其全身二十四遍。以消邪氣。而振精神。遂以莊言示其啟目。授以電球而謂之曰。『爾已深入電術勢力中。如遇狐精來崇爾。可以無憂無恐。出電球白光照之。狐必遠遁。』被術者執球在手。術者又謂之曰。『騷臭之氣先來。狐精將至。果然來矣。』此時被術者舉目凝視。如見狐精。卽舉白光電球照射。術者曰。『狐精已現原形。返身竊竄矣。』被術者面現愉快狀。精神亦不復如來時之萎靡。解術後。其人願出重價購電球一枚。攜歸以防狐精之復來作祟。

變換男胎術

變換男胎術。施於懷孕三四月之婦女。先導之入深受術程度。以莊言謂之曰。『爾腹中胎元。已得電術萬能力之改造。已成男體矣。從此爾可身心愉快。整備產育麟兒。無復如前之多愁多病。致損胎元。』被術者果現愉快狀。愁態盡消。此乃心理作用之感通力。嗣後果然產生男子。

心理安胎術

心理安胎術。施於懷孕之婦女。先導之入深受術勢力中。以電球隔衣連摩其腹部二十四遍。球與衣服距離二英寸。并謂之曰。『爾因虛弱。懷孕後往往小產。今得電球按摩之功。胎母壯健。胎元永固矣。』被術者面部戚容稍減。術者又謂之曰。『無多勞。無多慮。爲保胎之善法。勿視作老生常談而忽之。』此乃心理作用。竟得收安胎之效果。

驗女貞潔術

驗女貞潔。大都施於未嫁之女。如法導之入極深受術勢力中。以莊言謂之曰。『姑娘原係貞潔閨女。無端受人誣讒。致啟爾父母之疑心。請爾速伸右手與我一觀。貞潔與否。可立判矣。』被術者絕不遲疑。遽伸右手示人。神氣泰然。術者聊加審視。而謂之曰。『姑娘洵是無瑕白璧。』言下。即爲之解術。并書保證單。與之持歸作證。此乃一種心理作用。苟遇不貞之女。必不肯泰然以手示人。當場自暴其醜也。

戒除賭癖術

癖除賭癖術。如法導好賭之人深入受術程度。以莊言示其啟目。而謂之曰。『君不見此少年身衣華服。手御鑽戒。腰纏萬金。入此鉅室。噫。此人竟赤條

條出門矣。華服、鑽戒、萬金，都烏有矣。君不見此少年手執巨束契券并銀票，又入此巨室中去。噫，又兩手空空出門矣。契券、銀票，何往耶？君不見此少年又來矣。衣衫襤褸，逡巡於巨室之外，向閽者索錢而被毆矣。噫，此少年因愛賭傾家，流爲乞丐矣。君亦愛賭者，若不從速戒絕，亦必蹈此少年之覆轍，而爲乞丐。』被術者頓現悔悟狀，以後誓不復賭。

戒除烟癖術

戒除烟癖術。如法導人入深受術程度，以電球按摩其全體，并後背各二十四遍。以莊言示其啟目而謂之曰：『噫，此雄偉白皙之人，瘋病發矣。手握毒蛇蝎子，納入口中矣。又將砒霜、嗎啡，下嚥腹中矣。噫，雄偉白皙之軀，變成漆黑枯瘦，奄奄垂斃矣。噫，此乃嗜食毒物所致。君之嗜烟，其毒亦猶蛇蝎砒霜。

也。若不立志戒絕。腦筋與心臟燻成焦黑。死期可立而待也。『被術者聞言面現恐怖狀。悔悟吸烟之爲害甚烈。其後竟戒絕不復吸。』

戒除酒癖術

戒除酒癖術。施術手續同上。以莊言示其啟目而謂之曰。『君觀此被甕中。滿儲者都係美酒也。噫。此醉漢倒身投入甕中。殆欲一口喝盡巨甕之酒乎。不虞被酒溺死。被甕悶死乎。幸有家屬。將其援起矣。氣息全無。竟已殭死。君之日日痛飲。亦猶醉人之自投甕中。不久亦必被酒糟死。』被術者若有所悟。解術後。竟涓滴不入口。

戒除古癖術

戒除古癖術。施於嗜好骨董家。先導之入深受術程度。然後使之啟目。授以

粗泥燒成之假古玩而謂之曰。『君乃比利時之著名骨董家。鑒賞必真。此件珍品。余紀一萬金鎊得之。人皆云是三千年前古物。』被術者正在細玩間。術者有心碰之墮地成粉碎。被術者大驚失色。術者拾碎片而授之曰。『此係泥盾偽品。不值一錢。君勿擔憂。世間古玩。都是膺鼎。好之者多。則成無價之寶。請君勿再作痴人。嗜好此種廢物。』被術者果然感悟。以後不復癖好骨董矣。

戒除戲癖術

戒除戲癖術。宜施於嗜好觀劇者。施術手續。與普通相同。既示其啟目。以莊言告之曰。『君已深入電術勢力中。雖遇極恐怖之警訊。亦不中途醒覺矣。』又謂之曰。『君身已在戲館中觀劇。某名伶之拿手好戲。登台矣。』語畢。

以電球注射被術者之日。約三分鐘。收球而警告之日。『戲房失火。逃速逃。』被術者驚惶四顧。離座亂奔。如真遇火警然。術者追拍其肩曰。『君已從火窟逃出矣。以後此等場所。萬勿再至。若不立志戒絕觀劇。終必葬身火窟也。』此乃恫嚇作用。被術者受此虛驚。從此永遠不入劇場。

戒除嫖癖術

戒除嫖癖。先導人入深受術勢力中。以莊言示其啟目而謂之曰。『君不見道旁之無鼻乞丐。向君點首索錢乎。噫。彼係君之嫖友。葛生司也。彼生平嗜好嫖妓。不事職業。致流爲乞丐。并害毒瘡爛去鼻覺器。君與之有同嗜。若不從速戒除。作無鼻乞丐之日。亦將至矣。』被術者驚恐萬狀。向術者領首者。再表示悔改前非之意。

精神感通術

精神感通術。是一種默示功效。不以語言表示。全憑術者之精神默示。感通被術者之靈力。而收其效果。其作用甚多。大都施於體面人。感化其勿作不名譽事。例如感通貴婦不與其夫離婚。先導之深入受術程度。術者以目光注視被術者之腦筋。感通其靈力。約三十分鐘。始默示之。『爾夫婦都係貴人。體面攸關。不當輕議離婚。以自墮人格。』被術者之靈力。既與術者之精神合一。必然感悟。解術後。必然夫婦言歸於好。

預知財運術

預知財運術。先如法導人深入受術勢力中。以電球注射其緊閉之兩目。約五分鐘。以莊言謂之曰。『君欲發財乎。財源隨地起。取之不竭。用之無窮。惟

觀君之財運耳。』語畢。以十二塊小瓦片。置被術者之足前。而謂之曰。『君之財運將至。試啟目視地上。黃白物圍繞君身。何不拾而取之。』此時便可實驗人之財運多少矣。被術者啟目視地上。卽大笑盡拾瓦片納諸衣袋中。是有十二分財運。一塊不拾。則無財運。拾五六塊。卽有五六分財運也。

預知婚姻術

預知婚姻術。大都施於少年有所愛慕。未敢遽施以求婚手段者。先如法導人深入受術程度。以電球注射其兩目。旋以莊言謂之曰。『姻緣訂自三生。君既愛慕曼里姑娘。現彼已入君之室。宜卽向之求婚。君如不信。試啟目一視。便信予言。』被術者果啟目離座。與人作握手密語狀。並面現喜色。術者卽謂之曰。『祝君豔福。婚事已諧。』被術者聞言如向術者含笑頷首。婚姻

必成。如懊喪而橫搖其首者。婚事能諧。

預知陸行安危術

預知陸行安危術。當歐戰未靖之時。出門人往往遇險。故遠行之前。都請施電術以測安危。要知此術之作用。凡屬陸行皆可引用。歐戰不過舉例而已。先導入深入受術程度。以電球注射其兩目。約數分鐘。卽以莊言示之曰。『君殆有急事。必欲赴法。故乘此特別快車而行。但經過戒嚴地甚多。托君幸福。共保平安。』又謂之曰。『君不聞槍聲砲聲乎。速行啓目視。若是交戰。君等性命危矣。』此時被術者。敢目驚視後。若未見有戰爭。面上必無恐怖狀。卽預知出行必不遇險。若頓現急遽之色。驚恐萬狀。預知出行難保平安也。

預知水行遇險術

水行遇險。重霧颶風。暗礁潛艇。在在足以危及人生命。預知之術。先如法導人入深受術勢力。用電球注射其兩目。以莊言謂之曰。『今與君同船合命。度此大洋。可能僥天之倖。絕無危險否。』又謂之曰。『大風起矣。巨浪拍天。船身行將傾覆矣。君速啟目出艙。搶得救命圈。尙可出險。』此時觀被術者。啟日後之神氣。如若不慌不忙。不現恐怖狀。此行可保平安。若一聞術者之言。卽急遽無措。面如紙灰者。則成行必然遇險。

預知中途遇盜術

預知中途遇盜術。先導人深入受術勢力中。以電球注射其兩目。而謂之曰。『君腰纏巨款。子身遠行。不虞中途遇盜耶。君宜啟目謹慎而行。』被術者卽啟目離座。繞室而行。術者忽爾驚呼曰。『盜來矣。盜來矣。』此時被術者

竟若有恃無恐。挺身而前。面不改色。可免遇盜。若聞言驚恐欲絕。手足無措。面如紙灰者。中途必遭盜劫。

預知火災術

預知火災術。先導人深入受術勢力中。以莊言示其啟目。術者持電術注射其兩目。而謂之曰。『君夜睡宜醒。若遇火警。立時醒覺。非火警則安睡如常。勿作庸人自擾。』言下。卽以電球在其目前旋轉三十六次。彼卽如酣睡然。術者又以電球白光在其目前一閃。而謂之曰。『火警。火警。君宜啟目逃避。』此時被術者。必然啟目驚顧。如立卽離座窮竄。必遇火災。如啟目四顧後。依然安坐不動。如若無事。然則此人必無火災相遇也。

預知詐欺術

預知詐欺術。先導人深入受術勢力中。以莊言謂之曰。『君之壻。係比利時之大富商。君何不將愛女藏匿家中。反向壻家索人。君計若售。可獲巨金。』被術者如面現愉快狀。聞言津津有味者。必係詐欺之徒。若聞言掩耳。面現不愉色者。則非詐欺人也。

直入盜窟擒盜術

直入盜窟擒盜術。大都施於公家偵探。先導之深入受術勢力中。用電球注射其緊閉之兩目。約二十分鐘。然後謂之曰。『君已得電球術之助力。敢目偵探大盜。必有線索。』被術者徐徐啟目前視。如有所睹。術者又謂之曰。『君見羣盜。都逃入盜窟中去矣。君放胆直入盜窟。諦視一過。潛行而出。然後帶警往拿。一網打盡矣。』被術者果離座潛行。忽又站立作伏聽狀。解術後。

果然在同樣之房屋中。擒獲巨盜。

獲盜先睹盜賊術

獲盜先睹盜賊術。先導人深入受術勢力中。而以電球注射其緊閉之兩目。約十數分鐘。以莊言示其啟目而謂之曰。『偷盜銀公司巨欸之竊賊。現在深林中掘地埋贓。君見之否。』言下。卽以手南指。被術者向所指處凝視良久。始喜形於色。如真見巨賊埋贓然。此之謂電光透視術。施術時所見常在心頭。苟遇同樣之深林。必得獲贓擒賊矣。

擒盜躍登盜船術

擒盜躍登盜船術。大都施於水面警探。先導之深入受術勢力中。以電球光透視其緊閉之兩目。約三十分鐘。始以莊言示之啟目而謂之曰。『搶劫商

輪之海盜。帆船駛去不遠。君凝眸注視。猶及見也。』被術者果起立作瞭望狀。術者又指前而謂之曰。『此卽盜船也。竟迎面行來。君放胆躍登其船。海盜之面目盡識矣。』被術者果縱身一躍。探首作細視狀。解術後所見之面目。一一常在心中。旋於海船上竟獲海盜四人。面貌與施術時所見皆同也。

巧獲謀殺兇手術

巧獲謀殺兇手術。都施於警察及緝兇公役。先如法導之深入受術勢力中。用電球光透射其緊閉之兩目。徐以莊言謂之曰。『君已深入受術程度中。兩目有電光透視之能力。無遠不見。無微不睹。只須一啓目之勞。謀殺兇犯。立可緝獲。』被術者果啟目四顧探視。術者又謂之曰。『迎面行來。身穿黑色衣褲。小鼻短髭者。是卽殺人犯。記清彼之面貌。緩日擒之可也。』被術者

昂首凝視。良久始已。後來果被其緝獲兇犯。而貌與施術時所見者相同。

巧查無頭男屍術

巧查無頭男屍術。先導偵探入深受術勢力中。以電球光透射其兩目。案愈大。透射時間宜愈久。約須半小時。始以莊言示其啟目前視。而謂之曰。『君速凝神注視。前途兩人同行。前者手攜皮篋。必儲多金。後者尾隨不捨。必懷不良之意。』被術者果向前凝眸注視。術者又謂之曰。『後者竟手掣利刃。乘其不備。將前人殺死矣。割頭埋地。以圖滅跡。執其皮篋而逃矣。』嗣後獲到兇犯。與施術時所見之面貌絕似。

透視銀行巨竊術

透視銀行巨竊術。全恃電光透視作用。先如法導人深入受術勢力中。以電

球透視其緊閉之兩目。然後以莊言示其啓目前視。術者問之曰。『君日中所見係銀行司事乎。』被術者如搖首。則又問之曰。『君日中必睹一日日送報之人。』被術者如頷首。則術者當囑其認清面貌。解術後即據此面貌作偵查之眼線。果獲竊賊是送報人。

尋獲失蹤術

尋獲失蹤術。亦是電光透視作用。先導尋人者深入受術勢力中。以電球光透射其閉目。約三十分鐘。即以莊言示其啓目而謂之曰。『君之兩目。已得電光透視之能力。可以遠矚萬里。透視山川。欲知令尊失蹤所在。祇須仔細諦視。』被術者即向前作凝視狀。術者即問之曰。『君所見是城市乎。抑山林耶。被術者微搖其首。術者即謂之曰。『是則所見必係水天浩渺之海濱。』

也。』被術者含笑點頭。其後失蹤之人。果於海濱尋得之。

追捕拐匪術

追捕拐匪術。亦係電光透視作用。先導人入極深受術勢力中。以電球光透射其兩目。約三十分鐘。以莊言示其啟目而謂之曰。『君之愛女被拐。僅隔兩小時。尙未遠脫。君可捷足追趕。必有所獲。』被術者即起立繞室環走。作追人狀。適遇侍者送茄菲入室。被術者攔而擒之。術者即輕拍其肩曰。『君之愛女。猶在茄菲店中。此非拐匪。速放。』被術者即放手。解術後。即往冷僻茄菲店中偵查。果得愛女蹤跡。拐匪亦擒獲。

追擒巨騙術

追擒巨騙術。先導被騙者深入受術勢力中。以電球透射其兩目。并以莊言

示其啟目而謂之曰。『君被騙巨金。騙子出門未久。君有電光透視之能力。自能於人羣中鑑別騙匪。速追速追。』被術者果離座繞室環走。忽地奔入參觀席。扭一軀幹雄偉之人。術者卽謂之曰。『君誤矣。彼僅貌似騙匪。實非騙匪。君宜歸座稍息。』被術者卽歸座。後來所獲騙匪。面貌果相似參觀人。此亦電光透視之奇效也。

鑑別竊物傭人術

鑑別竊物傭人術。完全是心理作用。先如法導被嫌疑之傭人深入受術勢力中。以莊言謂之曰。『爾主人家門戶未啟。失去重價物品。必係傭人輩所竊。爾亦在嫌疑之列。速張口伸舌。余用電球注視。皂白立判。非竊物者。舌色白。竊物者。舌色黑。』爾之嫌疑立釋矣。『豈知被術者。閉口縮舌。是卽賊人。』

心虛。恐怕伸舌看出破綻。欲蓋彌彰。彷彿直認竊物也。

鑑別非竊物傭人術

既有竊物傭人。必有非竊物傭人。被嫌疑。如法導之深入受術程度。而以莊言謂之曰。『爾主人失去貴重品。疑爾所竊。爾速伸手與我查驗。竊物與否。可以立判。』被術者果絕不遲疑。泰然伸手示人。任人觀看。蓋彼居心坦白。深願竊案之水落石出。彼可立釋嫌疑也。

口噴焰火術

口噴焰火術。是心力感通作用。都施於嗜好焰火之人。先導之深入受術勢力中。而謂之曰。『君最愛觀尼爾白克司所製之焰火。今又燃放矣。君曷不啟目觀看。』被術者果張目向上凝視。術者口吸雪茄。噓烟於空。而謂之曰。

『妙哉。此係明火製成之紫羅蘭花。』言下。術者口中作砰然聲。而謂之曰。『君不聞空際砰然一聲。燄火又變成無數飛鳥矣。妙哉。尼爾白克司之技。如入神化矣。』此時彼術者舉頭仰望。如真睹燄火然。良久。絕無厭倦之容。此爲玩技中之最有興趣者。

肖像唱歌術

肖像唱歌術。先導人深入受術勢力中。以電球注射其緊閉之兩目。約十分鐘。旋以莊言謂之曰。『君最愛聽梅來姑娘之歌劇。今彼登台獻技。君可啓目暢聆美人之珠喉矣。』言下。卽以梅來之戲裝照相置案頭。被術者啟目見像。如見美人。樂得手舞足蹈。術者又謂之曰。『歌聲真婉妙哉。莫怪君爲之神魂顛倒。』被術者聞言。愈覺狂態畢露。大拍其掌。此雖小技。施術時頗

堪發噱。

辟免火灾術

辟免火灾術。是一種預防作用。先導人入極深受術勢力中。以莊言告之曰。『君已在深受術勢力中。雖遇極大之恐怖。亦不驚醒矣。』又謂之曰。『近鄰失火。殃及君家。樓梯已燒斷矣。君何不敢目逃避。』被術者即張目起立。作驚竄狀。術者又謂之曰。『君莫心慌。心慌則不得出。細視窗戶處。必有救火梯在。』言下。即導之離座。受此一度經驗。如遇火灾。庶少張惶失措也。

磁盆變化狀

磁盆變化狀。是一種玩技。先導人入深受術勢力中。而謂之曰。『君素喜聽留聲機。余向亨達麻司購來一具。請君暢聆歌曲。』言下。即將洗臉磁盆覆

置桌上。指而謂之曰。『此片是比利時的國歌。并和以全副軍樂。愈覺悅耳可聽矣。』又謂之曰。『此片是名美麗之花。是名女伶維來克司所創作者。』被術者側耳靜聽。良久絕不厭倦。如真聽留聲機然。亦云奇也。

思人自至術

思人自至術。應用甚廣。或弟兄遠隔。或母女不能相見。或好友不得相逢。一經施術。卽能立時見面。例如婦女思念遠嫁女。先導其母深入受術勢力中。而謂之曰。『爾愛女惠茂姑娘歸來矣。汽笛嗚嗚。已在門前停止矣。』又謂之曰。『惠姑娘在此。爾若不信。予言請拭目一視。此非惠茂姑娘是誰。』被術者果以手拭目而視。忽然面現愉快狀。如真睹愛女歸甯然。

清水當香檳術

清水當香檳術。先導人深入受術程度。以電球注射其閉目。約五分鐘。以莊言示其啟目而謂之曰。『素知君嗜好香檳。請試嘗之。不知其味佳否。』言下。卽以清水一杯授之曰。『此係著名釀酒家勃立格氏之出品。美味必較勝尋常。』被術者接杯一飲而盡。口中作嘖嘖讚美聲。此之謂心力感通作用。

冷水燙手術

冷水燙手術。宜施於寒冬之日。先導人深入受術勢力中。以電球按摩其兩手及面部。以莊言示其啟目而謂之曰。『今日天氣嚴寒。君欲得暖水洗臉。以禦冷氣乎。』言下。卽以冷水一盆授之曰。『此係乍離火爐之沸水。君慎防燙手。』被術者伸一指入盆。試探熱度。卽縮手不入。表示其燙狀。良久始

以巾入水洗臉。猶作嫌熱狀也。

伸手捉月術

伸手捉月術。是一種兒童玩藝。先導人深入受術勢力中。以莊言示其啟目。而謂之曰。『君觀天空之月亮。團圓可愛。余能伸手捉之。授君把玩。』被術者欣喜萬狀。仰首上觀。觀其捉月。術者卽一躍登桌。伸手向上。卽出電球一枚。俯身授被術者曰。『月亮來矣。月亮來矣。』被術者執球在手。如捉得月亮然。久玩不厭。愉快萬分。

坐榻渡洋術

坐榻渡洋術。先導人入深受術勢力中。以電球注射其兩目。約十分鐘。然後以莊言謂之曰。『今日美利堅海軍大操。與君同坐飛艇往觀。君試啟目隨

吾行。』被術者果啟目離座。術者即偕之同坐一榻。而謂之曰。『飛艇上昇。軋軋機聲。穿雲破霧。瞬息數千里。已抵大西洋矣。飛艇下降。離地僅十數丈矣。君不見美國海軍。如此整肅。何怪英國望而寒心。德國遇而敗北也。』被術者俯首下視。其樂陶陶。術者又謂之曰。『美軍中疑我等是間諜。將放炮射擊矣。逃歟。逃歟。遂逃歸。』此乃完全幻覺作用。

室中獵獸術

室中獵獸術。施於嗜好打獵之人。先導之深入受術勢力中。以莊言謂之曰。『此處真一方絕好獵獸地。君試啟目一觀。始知予言之不謬。』被術者即張目四顧。作愉快狀。術者即以手杖授之曰。『前有白兔。君以此槍射之。必中。』被術者果離座作瞄準射擊狀。繼以奔逐追捕。久之不厭。直待術者示

之少作休息。被術者始歸座。

敗子回頭術

敗子回頭術。是恫嚇感化作用。先導敗子入深受術勢力中。以電球注射其兩目。約十分鐘。以莊言示其敗目而謂之曰。『君不見一人手持救火鉤將高大之華屋拖翻乎。又將室中之金銀珠寶。盡行拋棄河中乎。身上清潔衣衫。盡行褫去乎。噫。變成乞丐矣。』被術者果然如有所睹。而作驚詫狀。術者又謂之曰。『君休驚詫此人。君之好揮霍。好賭博。不事職業。日以消耗家產爲事。行爲實與此人相同。君不久亦將爲丐人矣。』彼術者大感悟。從此不再揮霍矣。

鏡中愛寵術

鏡中愛寵術。先導人深入受術勢力中。以莊言告之曰。『君因慕影戲女演員之色藝。欲與之求婚。現在電術勢力中。可以祝君成功。』言下。卽以電球一枚。授之曰。『君試啟目。注視球中。意中人來矣。』被術者啟目接球。注視良久。驚喜若狂。術者又謂之曰。『君若與意中人接吻。彼必首肯。則婚事諧矣。』被術者果與電球作接吻狀。久之始已。

夫婦和好術

夫婦和好術。不論男女。施術均有效。例如夫多外寵。與妻失和。導妻入深受術程度。以莊言謂之曰。『汝已在受術勢力中。可以電術取得丈夫之和好。』言下。卽以電球授之曰。『汝啟目。手執電球。若見丈夫遠來。以球照射其心。不可令彼覺察。必然和好。』被術者果啟目接球。作前視狀。術者又謂

之曰。『汝之丈夫來矣。速以電光照射其心窩。球即藏匿衣袋中。』被術者果依言照射。解術後。持球去。實地試驗。夫婦果然旋歸和好。

點石成金術

點石成金術。是幻覺作用。大都施於財迷家。先導之深入受術勢力中。以石塊堆於室中。始告之曰。『君已在深受術勢方中。苟遇機會。便可立成巨富。』被術者聞言。面現愉快狀。術者又謂之曰。『祝君機會至矣。請啟目一視。阿堵物已滿繞君身矣。』被術者即張目四顧。術者指石而謂之曰。『此累累黃白物。君取之。可以一生吃着不盡矣。』被術者凝視石塊久之。始大笑。俯身拾取。盡置於桌。猶把玩不忍釋手。

電光觀戰術

電光觀戰術。先導人深入受術勢力中。將電球注射其兩目。約十分鐘。以莊言謂之曰。『君因愛子赴法助戰。欲得一見前敵戰爭。請卽啟目。啟目。』被術者卽徐徐啟目。術者以電球授之曰。『君目注視電球。不見夫一少年奮勇爭先。衝破敵人戰壕。奪獲機關槍一架。是卽君之愛子也。』此時被術者全神貫注電球。諦視良久。始歡欣騰躍。以慶其子之能立大功。

人身變猿術

人身變猿。是幻覺作用。先導人入深受術勢力中。以莊言謂之曰。『噫。君身茸茸然。已遍體生毛矣。君已變成猿猴矣。猿猴不當坐於椅。宜離座蹲於地。』被術者果然蹲伏於地。術者又謂之曰。『鏜、鏜、鏜。鑼聲起矣。猴當聞聲相應。扮演諸種猴戲。』此時被術者之動作。依其感覺靈笨而定。感覺靈者。或

作翻筋斗。或作拗元寶。有變化無窮之妙。笨者則僅在地上。學作猿步而已。

強人哭笑術

強人哭笑術。是一種心力感通作用。先導人入深受術勢力中。以電球按摩其全身。二十四遍。以莊言謂之曰。『君已深入受術勢力中。完全服從我之指示。』又謂之曰。『君心中想得如此愉快之事。當笑矣。當發聲大笑矣。』被術者果呵呵大笑不止。術者又謂之曰。『君試思悲傷之事。笑容頓止。放聲大哭矣。』言下。誘以哭聲。被術者即掩目哭泣。良久始已。

慰解悼亡術

慰解悼亡術。都施於新喪愛妻之人。先導之深入受術勢力中。以莊言謂之曰。『君因何愁容滿面乎。殆因久不見君之夫人耶。尊夫人現已姍姍來前。

君如不信。啟目一觀。被術者啟目注視。如見其妻。忽然破愁顏爲笑容。此乃心理作用也。

兩足牢併術

兩足牢併術。用以試探人受術程度之深淺者也。先如法導人入受術程度後。以莊言謂之曰。『君試啟目離座。舉步前行。』被術者必然啟目前行。術者又謂之曰。『兩足牢併。不能移動。牢併。』此時被術者之兩足。果然如被束縛。寸步難移。卽爲深受術。如仍移動。閱時始停。是受術未深之故。當以電球注射其兩目。使之深入受術勢力中而後已。

返老還童術

返老還童術。大都施於年老衰弱之人。先導之深入受術勢力中。以電球推

摩其全身三十六遍。以莊言謂之曰：『君今得電球推摩之力。全身血脈流行。消化機能健全。筋骨漸漸變強矣。衰弱徐徐復健矣。』此時被術者果覺精神抖擻。非復舊時之萎頓矣。施術數次。果獲返老還童之奇效。

立止牙痛術

立止牙痛術。先如法導人深入受術勢力中。以電球按摩其面部。及胸腹部。約二十四次。以莊言謂之曰：『牙痛不是病。只須電光注射。呵氣一喝。君之牙痛即應聲而止。君試拭目以待。』被術者果啟目靜待。術者又謂之曰：『余喝三聲止痛。電光注射君頰。君之牙痛便立止。』即喝曰：『止痛止痛。立刻止痛。』言下。即將電球光注射被術者患處。問之曰：『君之牙痛。完全告痊矣。』被術者微頷其首。表示感激之意。

立止咳嗽術

立止咳嗽術。先導人深入受術勢力中。以電球按摩其全身三十六遍。遇婦女隔衣按摩。球與衣距離一英寸。然後以莊言謂之曰。『君之咳嗽。因肺葉反張。肺管上仰所致。今已得電術治療。君之咳嗽可隨我之口號而立止。注意謹聽。』被術者果側耳靜聽。術者遂示之曰。『肺葉順垂。肺管下落。呼吸均平。咳嗽立止。』被術者之呼吸。果然平均不促。咳嗽亦不作矣。

立止呃逆術

立止呃逆術。先導人深入受術勢力中。預備沸水一杯。用電球在盃口旋轉三十六次。然後以莊言示被術者啟目而謂之曰。『君呃逆已三日矣。七日不止。氣分傷絕而死。速服此電術治療。飲。呃逆立止矣。』言下。以杯水授之。

咽被術者乘微溫一飲而盡。遂謂之曰：『血行氣順。呃逆停止。停止。永久停止。』被術者之呃逆果然不作矣。

立愈痔瘡術

立愈痔瘡術。先導人深入受術程度。以電球按摩其下半體。『婦女不必摩』二十八遍。以莊言示其敢目而謂之曰：『君久患痔瘡。痛苦深矣。請服此治療痔瘡膏。可望痊愈矣。』言下。卽以預備之蜂蜜一杯給之飲。曰：『藥入喉管。脫去痔管。痔瘡立時告痊。永久除根不發。』被術者果將蜂蜜徐徐食盡。其後大解暢利。不復有痔瘡矣。此乃醫學作用也。

立愈失眠術

立愈失眠。先如法導人深入受術勢力中。以莊言告之曰：『君之失眠。因腦

中積血過多。血液流行失度所致。』言下。卽以電球爲之按摩。自頭頂起。下摩至足部。凡三十六次。而謂之曰。『君之腦部血液。皆得電力平均運行。血壓低降。失眠告痊。着枕無思無念。卽得安睡矣。』被術者果鼾聲大作。由受術程度而深入睡鄉矣。久之。始爲之解術。其後果然着枕卽睡不患失眠矣。

立愈疥瘡術

立愈疥瘡。先導人深入受術勢力中。以莊言告之曰。『君之全身奇癢。係被疥虫吮咬所致。一經電球摩擦。疥虫立斃。疥瘡告痊矣。』言下。卽以電球向其患處摩擦。〔此球用後。須入清水中洗濯乾淨。〕共三十六次。摩時手指須微顫而輕。摩擦既畢。又謂之曰。『疥虫盡斃矣。癢止矣。疥瘡從此告痊。』被術者果覺痛癢稍止。二日後。竟得脫皮痊愈。

立治便閉術

立治便閉。先導人深入受術程度。以莊言告之曰。『君之便閉。已二十餘日矣。迨經電術治療。便可立時暢便。』言下。卽以電球按摩其腹部三十六次。而謂之曰。『君之排泄機能。已得電力之扶助。閱六小時。卽得大解矣。』其後果得暢利大便。

立止哮喘術

立止哮喘。先導人深入受術勢力中。以莊言告之曰。『君因肺中小氣管抽搖。呼吸疾徐不均。遂成哮喘。』又謂之曰。『一經電球爲君按摩。呼吸便得均平。小氣管不復抽搖矣。』言下。卽以電球向其前胸後背。各推摩二十四次。遂謂之曰。『電力神化。一經推摩。哮喘立止。立止。』被術者之哮喘。果然

漸漸平止矣。

立愈毒疔術

立愈毒疔。先導患者入深受術勢力中。以莊言告之曰。『君受術已深。可以爲君治療毒疔矣。』言下。卽以電球向患處旋轉二十四次。距離皮肉二英寸。既畢。又謂之曰。『君之毒疔。已經電術治療。腫退矣。痛止矣。君可知覺乎。』被術者微點其首。術者又謂之曰。『君已腫消痛止。毒疔告痊矣。當可回復本來面目矣。』言下。卽爲之解術。毒疔果漸告痊。

立愈骨鯁術

立愈骨鯁。先導人深入受術勢力中。以電球向其喉部懸空下撫三十六次。隨撫隨暗示之曰。『君已深入受術程度。余爲君運化魚骨。變成軟質。隨口

涎下。『語畢。移去電球。稍息。十分鐘。以莊言謂之曰。『君之喉間。已無魚骨梗塞矣。君試下嚥。可是不覺刺痛乎。』被術者果然下嚥。絕無刺痛狀。即可爲之解術。

立愈失音術

立愈失音術。大都施與女伶歌妓者居多。尋常男子失音。無關重要。未必請人治療。其法先導失音人深入受術程度。卽以電球虛摩其喉管及胸部十次。球與衣服距離二英寸。卽謂之曰。『爾因氣分失調。致聲管失音。現得電術治療。聲管復原。仍可引吭高歌矣。』此時被術者如在彼嚥唾沫。卽係奏效之結果。當爲之解術。試以言語。果然響亮矣。

立愈虛弱術

立愈虛弱。極容易導人入受術程度。出電球令之凝視片時。即閉目若酣睡狀。表示深入受術狀態。術者即以電球摩其全身血液。自頂至足。凡三十六次。以莊言告之曰。『君之虛弱症。因中年斷喪。體內精血虧耗所致。現得電能力之扶助。血液變濃。精濃振作。君之筋骨。漸漸強壯。不復再現虛弱狀態矣。』此時被術者面部果覺神氣充足。非復未施術前之萎靡不振矣。其後虛弱症。果得告痊。

立愈癱疾術

立愈癱疾術。以電球向已呈受術現象者之胸背兩部。各按摩三十六次。然後術者運用精神。靜察被術者之呼吸。是否較未施術前疾徐平均。如無急促狀態。即謂之曰。『君之癱疾。已被電力攝除矣。以後不復熱來如火燃。冷

來若水澆矣。』若被術者呼吸仍然急促。當再以電球摩其四肢各十二次。則雖遇極重之三陰瘧疾。亦能霍然而愈。此乃電術治療作用也。

立愈刀傷術

立愈刀傷術。先導人入極深受術程度。蓋有痛苦之人。容易醒覺。故須導之入極深受術勢力中。然後以電球懸空旋摩其創口。凡三十六次。以莊言謂之曰。『君之創傷。已得電術治療之力。腫消痛止。創口新肌將生矣。』言下。靜觀其神色。如不作痛苦狀。卽爲見效。如仍愁眉不展。宜以電球懸空運摩其創口四周。二十四次。定卽腫消痛止。

立止小兒夜啼術

立止小兒夜啼。先導之入深受術程度。不必使之凝視。只須以電球在其目

前運轉片時。卽呈深受術現象。然後以電球爲之全身推摩。自上向下。萬不能自下向上。凡二十四遍。所以引熱下降也。既畢。輕示之曰。『熱已下降矣。夜來勿再啼哭。一聽穩睡。直至天明。』稍息。卽爲之解術。以後夜啼頓止。

立止夢遺術

立止夢遺。先導人深入受術程度。以莊言告之曰。『君因排泄器無收蓄機能。往往於夢中遺尿。一經電術治療。便可立愈。』言下。卽以電球按摩其腹部。凡十二次。遂謂之曰。『君已得電力之扶助。腎臟已有收縮力。從此夢中不復遺尿矣。』聽余口呼一。君卽徐徐啟目。呼二。君卽徐徐醒覺。』言下。卽徐呼曰。『一二。』此時被術者果聞一而啟目。聞二而醒覺。其後果然不復遺尿。

立愈水火燙術

立愈水火燙術。因其傷處疼痛。必以電球向其兩目運轉多次。始得深入受術勢力中。卽以莊言告之曰。『君已耐痛深入受術勢力中。可以爲君治療水（或火）燙傷矣。』言下。卽以電球懸空旋摩其傷口。凡二十四轉。并謂之曰。『費過二十四度之按摩。必定止痛。止痛。』按摩畢。被術者面部愁容必解。遂謂之曰。『水（或火）燙傷治愈矣。腫已消化。痛已告止。完全痊愈矣。』稍息。卽爲之解術。燙處果然腫消紅散。此乃電術治療作用也。

立愈暈船術

立愈暈船術。大都臨時於舟中施術者居多。既無施術室。全憑電球注射其兩目。使之深入受術勢力中。以莊言謂之曰。『君已深入受術勢力中矣。雖

遇大風巨浪。亦不致暈船矣。』被術者果無不愉色。遂謂之曰。『身在舟中。經此驚濤駭浪。絕未頭目暈眩者。實賴電術能力之扶助也。』又謂之曰。『君之暈船症愈矣。雖坐極不平穩之船。遇最危險之颶風巨浪。亦能安坐舟中。不虞眩暈矣。』被術者果安坐如常人。解術後。亦不嘔吐。

無水洗浴術

無水先浴術。先導人深入受術勢力中。以莊言謂之曰。『君久思作海水浴。現在海濱游玩。君奚不啟目解衣。入海洗浴。』被術者果即啟目解衣。術者又謂之曰。『天氣甚寒。君之裏衣不必除去。』此時被術者果離座伏地。作泳游狀。術者又謂之曰。『如此大風。君在海中不覺寒戰乎。』被術者旋作戰慄狀。術者遂謂之曰。『君既畏寒。可以登岸矣。』被術者即爬起歸座。

空手捕魚術

空手捕魚術。先導人深入受術程度。以莊言謂之曰。『君慕漁人之利。欲思效之。然不入水。焉得魚。當啟目入河。魚自可得矣。』被術者果張目作入水狀。術者以足蹴地而謂之曰。『魚在此。魚在此。君張手作佈網狀。踏水而來。魚可必得。』被術者果橫伸兩手。作踏水狀而來。忽然足踏掃地帚。術者即呼曰。『大魚被君踏牢矣。速捕。速捕。』被術者即俯拾之。懷抱歸座。欣欣自得。以爲大魚在握矣。久之始爲之解術。此乃預期作用也。

中華民國十三年十月十號出版

版
權
不
准
翻
印
所
有

白光電球奇術

洋裝壹册實洋一元

著者 奇術專修館

發行者 奇術專修館

印刷者 奇術專修館

代發行者 上海各大書局

各埠各大書局均有出售